

La mancanza da medis da chasa fa quitads

La regenza respunda a la dumonda da deputà Phillip Gunzinger (pld Sut Tasna)

DA MARTIN CABALZAR


■ **Pervi da la mancanza da medis da chasa dastgassi daventar en il futur adina pli difficil da puspè occupar praticas da medis che vegnan libras per garantir uschia il provediment medicinal ambulant.** Quai conferma la regenza grischuna en sia risposta a la dumonda da deputà *Philip Gunzinger* (pld Sut Tasna) che è vegnida sutscritta da 69 deputadas e deputads. Alarmand saja en quest connex er il fatg che passa la mesadad dals medis da chasa en il Grischun ha passa 55 onns e ch'ina part considerabla da quests medis vegn perquai a terminar sia activad professiunala ils proxims onns, constatescha Gunzinger.

En encliegentscha cun l'Uniu grischuna da medis haja il departament da giustia, segirezza e sanadad perquai supplitgà l'october passà las vischnancas d'analisar ensemen cun ils medis da chasa domiciliads en lur vischnanca e cun l'ospital e cun la regiun la situaziun areguard la garanzia dal provediment medicinal a curta ed a mesauna vista. Las vischnancas èn vegnidas supplitgadas da far propostas concretas co che quella possa vegnir influenzada en la regiun a moda favuraivla.

Philip Gunzinger e consignants vulan savair da la regenza a tge conclusiuns las vischnancas èn vegnidas e sch'ins possa constatar marcantas differenzas regiunales. Plinavant dumonda el tge pass che la regenza quintia instradar sin fundament da quest analisa.

Mo 30 vischnancas han rispundi

Sco quai che la regenza rispunda è il resun sin questa circulara stà fitg modest. Tut en tut han rispundi 30 vischnancas, duas dad ellas han renunzià da prender pusiziun.. Ultra da quai sajan entradas 7 ulteriuras pusiziuns da medis communal, d'ospitals e da circuls resp. regiuns. L'evaluaziun muossia che circa



La mancanza da medis da chasa sa manifestescha a moda virulenta cunzunt en las regiuns periferas.

FOTO N. SIMMEN

40 pertschient da las pusiziuns resguardan la garanzia dapl provediment medicinal ambulant sco periclitadaa curta fin a media vista. Radund 51 pertschient negheschan questa problematica. Otg pertschient da las pusiziuns n'han betg rispundi questa dumonda.

Motivs per la macanza da medis da chasa

Motivads vegnan ils problems concernent la granzia dal provediment medicinal ambulant oravant tut cun la gronda chargia da lavur dals medis da chasa, era pervia dal servetsch d'urgenza che s'accentuescha correpondentamain en cas d'ina sutdotaziun. Auter motivs sa refereschian a la situaziun economica dals medis da chasa sco mendaras pussaivla-

dads da gudogn, gronds investiziuns da cumenziada tar la surpigliada d'ina pratica e valurs bassas dals puncts da taxa en il Grischun. Sco soluziuns pussaivlas vegnan menziunadas cunzunt il sustegn finanziel ed organisatoric tar la surpigliada d'ina pratica, l'indemnisaziun dals servetschs d'urgenza, il rinforzament da la collavuraziun cun ils differents purschiders da prestaziuns da sanadad, l'introducziun da l'autodispensaziun per tut ils medis da chasa sco era ina schlucada dal numerus clausus per students damedischina. Sco quai che la regenza scriva vegn il departament cumpetent a resguardar il resultat da questa retschertga en sias ponderaziuns strategicas davart il provediment futur da la sanadad en il Grischun.

Problems cunzunt en regiuns periferas

Tenor la regenza è garantì actualmain il provediment ambulant en il Grischun. Quai demussia era la modesta participaziun a la retschertga. «En il futur però dastgassen adina dapl praticas da mesi da chasa stuair vegnir serradas en regiuns periferas pervia da pensiunament e pervia da mancanza d'ina successura u d'in successur», puntuescha la regenza. Problems chaschunia era la garanzia dal servetsch d'urgenza oravant tut en regiuns turisticas.

Entant che las vischnancas da la regiuns vischinas als centers cun ina gronda populaziun risguarda la garanzia dal provediment medicinal ambulant sco betg periclitada er per il futur, è questa

problematica fitg virulenta cunzunt en regiuns periferas.

Provediment da sanadad integral

Tenor la regenza ston eventualas mesiras vegnir concepidas uschia ch'ellas resguardan spezialmain la situaziun en las regiunas periferas pertutgadas. Las respostas positivas da regiuns che han gia in provediment da sanadad integrà (ospital, spitex e chasas da vegls e tgira) lascha parair raschunaivla ina soluziun correspundenta era per autras regiuns, scriva la regenza.

Vischnancas e regiuns ston daventar activas

La regenza considerescha las mesiras ch'ella ha gia instradà sco raschunaivlas per sustegnair in provediment medicinal ambulant en il Grischun ed è correspundentamain pronta da cuntinuar cun talas. Quai èn principalmain la convegnia cun l'Uniu grischuna dals medis per garantir il servetsch d'urgenza, l'indemnisaziun adequata da quest servetsch, sustegns finanziels per sustegnair students da medischna generala etc.

La regenza animescha ultra da quai dentant era las vischnancas e regiuns pertutgadas da prender activamain per mauns la problematica dal provediment medicinal ambulant en las regiuns. En quest connex stoppian era vegnir prendidas en mira soluziuns che surpassan il rom vertent sco la realisaziun da centers da sanadad regiunals sco quai saja gia il cas en Engaidna bassa. Tenor la constituziun chantunala saja il provediment medicinal convegnent, economic e sufficient ina incumbensa cuminaivla tant da las vischnancas sco dil chantun. «Tenor la lescha da sanadads èsi però chausa da las vischnancas da procurar per la tgira da la sanadad publica lcoala e da procurar per la tgira da la sanadad publica locala e da garantir uschia il provediment medicinal ambulant da la populaziun.